

黃帝龍首經序

董三

黃帝將上天次召其三子而告之曰吾昔受

此龍首經於玄女經章傳義十有二緒

也蓋吾所口受不傳者謂龍首記三吾今

日告汝汝固能行之乎內以自輔外修黔首

黔首者術與賢者若不能行則埋之名山三

泉之下慎無妄泄使不神吾將為汝參會其

中謂起遂其終始傳也要正之本日謂正同之

一首謂陰陽有四萬物俱主各自理唯非一

其各分義不相干事不相擾至各以其物次

穿期之事雖眾多各有敬修其神以為天寶

天一常居太淵之宮行以四時氣遊於四方

太淵者宮名也在北斗維春遊玉堂大古時

之中央直神后之左右秋遊絳堂四仲時

夏遊明堂神后加秋遊絳堂四仲時冬遊生

死之場其居一也數在干右玄冥少陰也

面西左明光少陽也言其向背太陰背子向

六也正陽向也騎華蓋斗名西乘玉衡小吉迴璇

璣斗也而臨八方及四維也將四七謂二十

使三光日月通八風謂八節也定五行謂東方

火西方金北方水今六壬領吉凶陰陽及

率土更用事之比

所坐所養之御三陰使旬始將五嶽謂六甲
三陽故曰六壬也
凡數旬始必以五子元起今甲子旬青龍
在神后將兵所立次得丙子朱雀在神后
法所立次得庚子白獸在神后敵家之處
得壬子玄武在神后補吏兵士處此通甲五
方時下所二神受氣或處陰或處陽也各
在之也
盡其正言魁罡臨人五以處五鄉及中央為
五鄉也天罡臨東方木青臨南方火赤臨西
方金靜臨北方水清臨四維土咸下天罡為
陽所臨皆生天魁金木水火土上下相當謂
為除所臨則死也
上下相剋傷也死生之決前後相更謂天一
傳思之也子且識之思念勿忘常服厭厭口
授賢士無傳泄其章勿傳龍首三子拜受而
起龍忽騰者三子仰瞻尚見龍頭矣遂以名
其經曰龍首云

董三

二

黃帝龍首經卷上

占歲利道吉凶法第一

陽歲以大吉臨太歲陰歲以小吉臨太歲視

天上甲庚所臨為天道天上丙壬所臨為一

道魁罡所臨為拘檢一云天上丙壬下天道

通舉事從天道大吉利架屋起土買賣田宅

人道次之甲庚是也架屋起土買賣田宅

入官舍便時在天道有倍在入道十倍在拘

檢道縣官大凶

假令今年太歲在寅大吉臨寅視天上甲庚

臨地乙辛為天道天上丙壬臨地丁癸為人

道魁罡臨巳亥為拘檢魁為拘罡為檢他歲

效此若歲在子午卯酉為四仲天道及人道

皆在四維難可移徙謂陽歲在子寅辰午申

戌皆以大吉臨之陰歲在丑卯巳未酉亥並

以小吉臨之

占月利道吉凶行法第二

陽月以大吉臨月建皆視天上甲庚所臨為

天道丙壬所臨為人道魁罡所臨為拘檢陽

月為奇月陰月為偶月移徙吉凶皆如太歲

法月禁又急不可見犯

董三

三

假今正月建寅以大吉臨寅視天上甲庚臨地下乙辛為天道丙壬臨地丁癸為人道魁臨亥為拘罡臨巳為檢也

占月吉日嫁娶祠祀法第三

欲令魁臨月厭以魁順數左行登明神后大吉功曹太衝天罡為陽也以魁逆數右行從魁傳送小吉勝先太一天罡為陰也陽將五千陰將六屬二謂甲乙丙丁等亦為日也六屬謂子午等為辰也陽將日殺男陰將辰殺女陰陽不將乃為吉也日辰若得陽中之辰陰中之日舉百事福及子孫矣

假令正月厭在戌魁臨壬癸甲乙為陽將五千日也酉申未辰巳午為陰將六辰也吉日若得丙子丙寅庚子庚寅丁亥丁丑丁卯辛亥辛卯辛丑皆陰陽不將日辰也十二月皆效此魁罡下辰為厭衝破大山月厭正月戌二月酉三月申四月朱五月午六月巳逆行十二月

占月宿何星法第四

常以月將加卯為地上乙所得星右行如今

日數止即月宿星也 正月一日宿在室二日在壁三日在奎四日在胃以次逆行空月盡日月宿在室二月一日在胃四月一日在畢五月一日在井六月一日在柳七月一日在張八月一日在角九月一日在處十月一日在心十一月一日在斗十二月一日在女若問月朔宿後一宿是也

假令二月五日以魁臨卯乙上見奎星當唱言奎一婁二胃三昂四畢五則為月宿星日在畢也十二月皆持月將臨卯取乙上神所得星右行數唯正月獨卯上星數右行不從乙也假令正月三日登明臨卯卯上見管室數右行管室一東壁二奎三為月宿星得奎也他准此

占星宿吉凶法第五

春三月東方七宿為歲位南方七宿為歲前神經云傳送從魁下是也西方七宿為歲對北方七宿為歲後孟夏二星為負衝季夏二星為掩衝正月初春夏秋冬效此歲位負衝折衝掩衝歲前挾星皆凶歲後歲對天倉天府皆大吉日辰雖凶不能為害也

占天倉天府法第六

常以天罡臨月建大吉下二星為天倉魁下為天府小吉下二星為致死仲月无天府及為衝星孟月无致死及折衝星季月无天倉及為英星天倉天府舉事德及三世大吉致死負衝奄旬芒星舉事致死長大凶

占天一日遊所在婦人產避法第七

天一日遊以戌戌日上天六日以甲辰日下地中官居東室五日以巳酉徒居東北維中六日以乙卯日徙居東方五日以庚申日徙居東南維六日以丙寅日徙居南方五日以辛未日徙居西北維六日以戊子日徙居北方五日以癸巳日入中官居西方五日又以戌戌日上天遊不在中官乳婦要須出宮避之所在之方莫向之也

凡產忌法常以月將大時月將下為咸池神后下為豐隆大吉下為日大將功曹下為女蓐太衝下為宮星天罡下為天候太一下為招搖勝先下為軒轅小吉下為女天傳送下為雷公從魁下為月飲河魁下為日刑

占神月空劇乳婦產法第八

常以璇璣加三五孟謂寅午戌之月則加寅申子辰月加申巳酉丑加己亥卯未加亥天罡下為天候太一下為軒轅小吉下為招搖從魁下為月殺河魁下為雷公登明下為咸池神后下為豐隆又為吳時時刑者寅刑巳巳刑申申刑寅無恩之刑也丑刑戌戌刑未未刑丑逆刑也子刑卯卯刑子互相刑也孟月以功曹仲月以神后季月以魁臨月建視天上丙壬丙壬所臨地下皆空吉可居也皆避雷公招搖軒轅咸池具時豐隆天候時刑矣。

占知臣吏心善惡法第九

以問時事占之一云天罡加月建為重陽天魁加太歲為重陰是臨太歲為陽覆陰臣欺君也加月日辰上神陰得吉建為陰覆陽君欺臣也日辰上神陰得吉神將有王相氣休氣上下相生與日辰上神不相剋則臣下忠孝常懷愛上敬教日辰上陰神得凶將有王相氣休氣下賊其上又今日之辰自賊其日及辰陰上日神賊上神此臣下不忠順姦猾難折勒驕常有篡弒之心也。

假令陰上神登明天空貪汙慢欺朱雀巧言令色天罡勾陳持上罪過魁居白獸欲為大亂。

假令九月丙午日中時占臣下心意何如功曹臨丙丙上遇前太衝臨午午上得前功曹陰上神得登明將得天一天一居日之陰神太衝上神得神后將為騰蛇騰蛇辰上辰上陰神為發用也皆上下相生自和送生日辰上陽神功曹太衝此為臣下忠孝安上愛下也此亦是兩神剋日以日比為用故用神后子取有兩子之比主憂從外來之事也

假令六月壬辰日日入時勝先臨酉酉上遇後一之也此以酉時傳送為臨壬日上陽神也大吉為臨辰辰上陽神也傳送陰上神得太一陰神太一上剋下又遙賊日上神大吉為神發用也上見傳得魁魁為凶神辰之陰上神今日之辰復賊日謂辰土賊壬水此為臣子不忠孝謀欲亂君以錢財之事他效此。

占人君欲拜署五官法第十

記吏當謁時無令所謁之官傷君年上神到王相時為君憂患以君年上神將為所憂形

狀當謁水官曹吏無令火神臨君年謁木官曹吏無令土神臨君年謁金官曹吏無令木神臨君年

假令君年立巳當謁金官曹吏時功曹臨巳將為朱雀為傷君年上神金剋木朱雀告言口舌事也利秋金王時必為所言於上府皆效之功曹庭掾為土官曹庫吏為金官獄曹賊曹倉部曹皆為水官卧曹為木官戶曹為火官外部吏及內不屬五曹者皆屬功曹為土官

占諸君吏吉凶法第十一

將及小吏始入官臨政視事時慎無令人年上神賊初拜除日又無令所出門上神賊人年上神文官欲得青龍武官欲得太常與日辰相生不欲相刑剋神相云欲入文官武官傳中有青龍太常者吉也必今日辰陰陽中及用

假令年立丑以甲乙日拜官署事始到官視事時始從魁臨丑此謂人年上神賊初拜除日也

時功曹臨午此所出門上神賊人年上神也
文官視事青龍在勝先此謂與日相生必遷
日辰陰陽傳中宜視其神所言之欲知遷官
離青龍太常為月期以青龍所臨辰為時期
假令從魁臨未而文官欲入官視事勝先為

青龍臨辰以甲相生法遷增利日離青龍三
辰為三歲辰離青龍七辰為七月青龍所居
之神主土其日戊己青龍加辰為時期後三
歲七月戊己日辰時遷太常效青龍月生青
龍太常為遷在外青龍太常生日遷在內內

者坐遷增秩即不能備此法者慎無令魁罡
騰蛇白虎玄武臨日辰人年立行惡加其墓
即不可用也甲乙墓在未丙丁墓在戌庚辛
墓在丑壬癸墓及戊己墓並在辰神樞曰凶
以太常所畏為憂期以四時之氣
休老因死為所坐輕重地效此

占諸吏吉凶遷否法第十二

以月將加時日辰及人年上得吉神將上下
相生即大吉其神又有王相氣時加王相之
鄉為得遷非此者皆凶得休氣且免官退罷
囚氣且繫上下又相賊有罪死氣凶惡神傳

得吉神將有數為憂外日上神將王相吉為
遷年上神將王相吉亦遷日年上神皆凶辰
上神雖善為不遷日辰年皆吉為遷不疑也
欲知遷期以魁離今日之辰為期
假令今日之辰是寅魁加午為在後五日

若五月他效此金樞云遷不遷問何官謂問
有王相氣遷大官若陰上神有王相氣遷武
官日辰及陰上上神俱相重遷用神加五仲
遷在內加季
官遷在外

第十三 占諸吏君安官舍欲知家內吉凶法

日辰上之陰得吉神將有王相氣者吉休凶
皆凶次神將言其形狀
假令得天魁為白虎主死喪玄武言亡遺矣
欲知衰吉是誰以年上神言之陽神為父陰
神為母神樞所謂不安以神
言則長此篇之例也

占諸吏安官否法第十四

日辰人年上得吉神將休氣上下相生者為
安官其有王相氣遷其神將凶有王相氣上
下相生亦安官上下相賊不安官吉神凶將
俱有氣又上下相賊者彌不安也得傳送有

行來事得朱雀口舌言訟事得玄武亡遺盜
憂疑事也光明得云以月將加月建行年上
見休若之氣者免官神樞云日辰
陰陽俱因休廢
者當失職矣

占君吏欲刑戮舉事法第十五

人君及部吏欲得行刑推問當事時無今天
一吉神將及王相之氣臨今日之辰吉神者
謂功曹勝光傳送神后大小吉也吉將者謂
天一六合青龍太常太陰天后也皆不可使
臨今日之辰與辰之陰又辰陰上之神不可
使剋人年上神剋人年上神必還害身也

假令年人立未太衝臨之今日之辰己也大
吉臨己大吉陰在丑從魁加丑此為陰上之
神剋人年上神法行此事吉神將及王相氣
臨今日之辰與辰之陰上神賊人年上神謂
從魁剋太衝也殃及後嗣害子孫人年謂人
君及部吏之會也他效此

占諸郡縣有盜賊否法第十六

正月辰時騰蛇臨今日之辰若玄武在日辰
陰陽皆為有賊盜欲知何黨賊以用上將言
之用得白虎殺人賊朱雀燒人賊玄武小盜

在陽且有在陰已有傳得六合為不發若用神為凶氣所勝獄囚且隊亡君欲謀下害吏者皆以用神處其福奇所在假令功曹為用而得勾陳富有賊在東北角他效此

占諸殺人命可得以否法第十七以其殺吉時正月辰以玄武為主日辰又其上神有制玄武者為得日辰上下不制玄武所臨為亡人

假令二月丙申日人定時河魁加亥有殺人者時聲明為玄武陰臨子亡人在北方丙上得天罡申上得小吉皆為土神並剋北方能制聲明法為戊巳日得他效此

占被盜無名盜可得否法第十八以其亡時占之若不知亡時以人未言時占之正月時以玄武陰上神為盜神日辰及年上神有制盜神者可得

假令十月甲子日人定時功曹加亥亥上得後五將此時射盜太一為太陰臨甲太衝為太常臨子天罡為玄武臨丑法以玄武陰上神為盜

賊小吉為天罡陰上神小吉即盜也家在西南為人黃色羊目多鬚好出行今日甲木也為制盜神子上神得太衝太衝木也亦剋盜神凶盜不出刑中也必得之日辰及年上神不制盜神及玄武者賊不可得也他效此

第十九 占聞盜吉凶亡人所在欲捕得否法

以聞知之時射之今日日辰上神有剋玄武所居神者即得日辰及其上神無賊玄武所居神者不得

假令九月甲午日日辰未時太衝加未聞賊在其家魁為六合臨甲功曹為天后臨午天罡為玄武臨申天罡土神也甲木日也功曹臨午之木神也並剋玄武所居神為得賊不敢格戰當將兵馬圍賊家時兵馬王當居神后上擊勝先下也

假令到賊家時神后臨酉宜居賊家酉上東向擊卯地必勝獲之他效此

假令五月甲寅日巳時小吉加巳魁為玄武甲寅木日辰也並制玄武賊必不敢闖也法

背水攻火又建今日辰及起其後二攻其前

四 假令今日甲子後二在戌當從戌攻辰是也又無令因對王相攻言夏壬癸不可向西也他准此為因死當王如秋甲乙不可西向攻盜賊也必以陰攻陽背子亥聲明神后向勝先太一攻此當慎之自五月已下皆式經正文

占問囚徒知得實情法第二十

正月時四面有席疑欲令今日之日自制其

假令神上將得天空囚忍痛懷漫得朱雀囚空言自誣得騰蛇囚惶怖稍伏得白虎自殺

假令正月甲辰平且聲明加寅吏欲問囚今日甲木制辰土功曹在巳青龍居勝光臨於酉責問囚時更宜居巳及酉天罡在未未上得六將勾陳在申使囚居未地若申地傳送為白

虎在亥巳間囚宜于亥地上為玄武臨丑日
甲剋土土神畏今日甲申有王氣問囚囚不
敢欺也他效此

占六畜放牧自亡不知所在各隨其
類以其亡時占之第二十一

正月時馬責勝先之地牛責大吉大責河魁
雞責從魁羊責小吉猪責登明欲知東西南
北各隨其神所臨在所勝之地為放縱在所
畏之地為拘繫在所生所喜之地為人逃匿
之天一順治責騰蛇逆責玄武為各隨其所
居神日辰上神有制勝蛇玄武及物類神者
為得不制者不得其物類神自臨其日辰者
為歸家其神與白虎并臨囚死之地為死亡
其神與六合太陰并為人欲隱藏之欲知遠
近以其物類神所臨上下相乘為道理數日

辰上制物類神為得日期
假令三月壬申日中時從魁加午時為自放
責勝先勝先臨卯式經云東西南北為在東
方勝先為午數九卯數六六九五十四里今
日之辰申上神得登明為制勝先法壬癸亥

子日尋得

假令先得壬癸壬癸日得先得亥子亥子日
得又一法以其神所乘為道里數臨子午
九丑未八寅申七卯酉六辰戌五乃至巳亥
四此並為道里數也他效此

假令今日日辰上神但致玄武騰蛇不制物
類之神亦為得若制玄武騰蛇玄武等亦得
兩制者保十必得無疑也物類若騰蛇當責
為刀太衝為項神左為斧太一為斧刀也
死頭臨項不死身臨左死全臨左不死也
假令六日壬寅日巳時占失猪天一居太一
而加辰為順治合責騰蛇居天罡而加卯太
衝為辰之陽神而剋天罡此為日辰上神制
騰蛇所失猪果自歸為登明加戌成與亥相
近故也他效此

占諸欲知病人死生法第二十二

常以其初得病日時占之
假令騰蛇白虎剋罡初病日及占日日上
神人年所立辰辰上神者皆為死白虎所居
神王相而賊初病日及病人年白虎陰上神
又有氣佐白虎共剋病日人年者急呼妻子

出病者必不起立死也死氣為白虎剋人年
病日者死又剋罡為白虎加病人元辰者立
死白虎非必在日辰陰陽中也視其所居神
與病日人年相剋以否

假令不知初病時日以今日日上神談之今

日日上神剋病人行年及年上神者死陽命
男陰命女以前八後六為元辰陰命男陽命
女以前六後八為元辰

假令陰命未生男即從未至于為前六後八
他准此白虎所居神賊今日及人年上神亦
死若獨賊病日之辰不剋今日為愈說者云
白虎生初病日病日生白虎皆為病愈白虎
賊病日人年一一皆死白虎與病人年日辰
相生皆為愈與病日同類為安久

假令甲子日占病登明神后為白虎者此為
白虎生病日病者不死春以勝先太一為白
虎者此為病日生白虎病者皆愈矣功曹太
衝為白虎者此為同類為病久白虎陰陽皆
有氣并傷日立死不傷立起白虎無氣病者
愈

假令白虎所居神金也時秋有氣若以甲子日占之雖年及甲上有火神火將恐死謂火至秋無氣恐不能救有氣也此並式經文也假令不知病日人年所居立之辰以今日用神訣之三傳終於白虎若日入墓者為知吉凶期以用神言之

假令功曹直用當丙丁日愈庚辛日死又天一為用生氣在丑未辰戌之日騰蛇為用死在巳亥日他效此

又一法不知初病日時以人來問時占之日辰人年臨其墓亦為死日人年所主辰之陰陽神入其墓者亦死日墓還臨其日辰者亦死年墓還地年者亦死
假令甲乙日射病時天上甲乙臨未為日入其墓若小吉臨甲乙為墓其日也

假令病者年立子問事時神后臨辰為年所立之辰陰陽神入其墓若天罡加子為墓臨其年皆死辰墓效日墓之例
又一法用神始終得日墓皆凶天罡擊今日日墓為墓門開亦死甲乙寅卯木墓在未丙

丁巳午火墓在戌此之例也小吉木墓河魁火墓大吉金墓天罡為水土之墓此之例也
氣傷病日人年者死人年上神王相克白虎者愈病日生白虎者亦愈白虎生病日者死白虎與病日同類者為之安人也

占知因繫罪輕重法第二十三式經云先

建祭日辰陰陽而取其當者而傳其始終於休罪重終因加罪終死罪輕

正日時視用神終於王相之氣貴人救之无罪終於休氣罪重終於囚氣加罪終於死氣先重後輕終於騰蛇罪重無疑必死終於朱雀數見掠咎終於勾陳有所勾連終於玄武置辭而亡終於天空空無所有也有實終於白虎被罪至死終於吉將傳得其子為有救罪得解傳入其獄為有罪傳得他獄為移獄所為獄者墓也

假令功曹太衝小吉為獄登明神后即天罡是其獄他例此所謂移獄者假令起功曹終於河魁為移獄一法以初繫日占之各以其所犯為坐假令鬪傷人以勾陳殺人以白虎竊盜以玄武相告罪名以朱雀

假令犯坐傷以勾陳所居神賊繫日即論也繫日賊勾陳者不論也勾陳與日同類為繫久傳神得其獄者必論

假令以甲乙日繫天一居小吉臨未繫日丙丁天一臨戌繫日庚子天一臨丑繫日壬癸

天一臨辰繫日戊巳天一亦臨辰為必離訟獄傳勾陳之陰得白虎白虎所居之神與勾陳并賊其繫日者死式經曰假令以甲乙日者此為勾陳勝繫日者即被論罪也若勾陳居土神上者此為繫日勝勾陳即先被論罪也傳勾陳之陰得天一天一生繫日日辰者

為貴人救之也式經曰傳勾陳得繫日子母人將哀哀可為上書也

假令七月己未日食時傳送為太常臨巳謂辰上共得神將不相刑又有王相氣謂金王故也天罡為勾陳加卯傳得其母謂辰上得

勾陳與日同類法為安久不然蒙聽令欲知吉凶之期者以用神傳終為有救神期也假令七月己未日酉時天一治神后加於辰太衝亦加今日辰神將不相刑有王氣傳得其母謂辰上得勾陳與日同類法當繫久然

蒙得出傳而得傳送天一為移獄也

占諸欲遠行使出吉門法第二十四

始行時欲令今日辰人年上得吉神將有王相休氣而出小吉得傳送下即大吉慎無令魁罡臨所出門上所出門上之神又不可

傷行者年上神門上神者所出入門也

假令八月甲申日時卯正日時行者年立戌

戌上得證明欲傷行之午午上得小吉小吉傷證明此為門上神傷行者年上神也門傷

行者之年道必有殃年傷門行者不安必有

疾病而還此所謂年上神傷門上神也又到日無令賊初發之時

假令始行之日以甲乙時加寅卯慎勿以庚辛日申酉時到也若到時賊初發之日咎及

先君又勿令陰陽中絕其類謂凡欲出行欲

今日辰陰陽中有傳送傳送上遇吉將則行者吉有凶將則行者凶也

假令行時傳送不在日辰陰陽中直視傳送上有吉將亦吉不可有惡將也

假令遇凶將是騰蛇為驚恐朱雀口舌拘留

卷三

十八

勾陳見鬪戰玄武亡遺天空見耗病所求不在白虎死喪他效此

又法欲將帥出行欲今天罡臨四季為神推外百事吉神推又云无令所之之鄉傷其年此為所之之鄉傷其年也他效此

占諸欲行求事者第三十五

以始行正日時无令今日辰上神傷行者年之所立地辰所立地辰亦勿令傷辰上神若傷辰上神是謂相刑其事不成也

假今年立巳而今日丙寅神后臨寅此辰上之神傷人年所立地辰也

假令是日時神后臨寅人年立辰此為年所立地辰傷辰上神也法欲有求作者欲令今日辰陰陽及用傳中有其事類事類者謂

求財欲得青龍小吉求繙繙欲得太常求籙

欲得勝光之比也故式經云辰上神傷其地年所求難得後自亡遺

占諸望行者吉凶來否第二十六

必當視所至地之陽神以卯為限以子午上神為至期東方南方以酉為限子上神為至

卷三

十九

期西方北方以卯為限午上神為至期

假令望酉地人從魁加戌為已發加子為半

道加卯為得限當來以午上神為至期午上神得神后以壬癸亥子日至

假令望巳地人太一加午為已發加酉為得

限當來以子上神為至期子上得傳送期庚

辛申酉日至

假令望寅地人功曹加酉為來望申地人傳送加卯為來望子地人神后加卯為來望午

地人勝先加酉為來皆以子午上神為至期諸望行者過限皆以為聞其聞為不來也要

所至事類度為不來所為事類者望貴人以天一亦為望父母以太常望兄弟以太陰望婦女以天后望子孫以六合望友及夫錢財

二千石等以青龍望盜以玄武望死喪以白

虎望奴婢以天空亦望吏捕人以朱雀望行道還以騰蛇望鬪戰以勾陳並以所加今

日日辰皆以此為來傳以為至其度限為不

來也集靈記云凡望行人以甲乙日占用得背日為不至也全圖云不至問前四言甲午日附四戌戌上所見神為至期假令戌上

見功曹則實上至一說云應至而不至乃用此法也又云占行人以生王為至期假令用起水神則甲子日至過墓者則不來假令用蘇經曰卜外人以生王而至家人過墓亦至也凡占凶賤促所之遠近皆以計神占之計神者河魁是也故金匱云數以計神占假令魁加未數八數五五八四十四為吉凶在四十日內行人當之為四百里之地皆做此也一說云飛星離初發日為期日臨而

發日即日至也

又法居外望內人以夏至辰之陰神居內望外人以冬至辰之陽神臨今日日辰日辰與太衝臨未皆為來

假令夏至以卯卯之陽神太衝今日丙丁太衝臨寅為本臨午為中臨戌為末皆為來也

假令太衝臨午當以丙丁巳午日至月期五月假令冬至以午午之陽神勝先也今日甲乙勝先臨亥為本臨卯為中臨未為末皆來假令勝先臨亥當以壬癸亥子日至月期十月

月
一法望行者天罡繫今日日辰為今日至順繫日辰至逆繫日辰為不至所謂逆順者假令望西方人天罡繫北方東方日辰為順順即來繫南方西方為逆逆不來也天道左遊

天罡為逆天罡臨月辰人年懸門候之望西方北方人以卯為門午上神為至期望南方東方人以酉為門子上神為至期凡所望神入其門即為至凡望不至者皆云刑人以刑假令望寅地人寅上有凶將以凶事留言將以言事有青龍太常為錢財酒食為吉他效此

假令白虎為死喪勾陳為鬪戰朱雀為口舌對吏望吉人得吉將凶人得凶將即來他效此

占諸欲知行者吉凶法第二十七
審知行者年所立辰之陽神與吉將并臨有氣之鄉上下相生即吉無過與惡神將并臨凶死之鄉上下相賊又臨年墓日墓者皆凶也

假令行者年立寅占時而功曹當與白虎并臨未者此為與凶將并臨其年墓也大小日墓假又一法若不知行者年以日為行者身辰為行者日之辰陰陽得辰之神陰為與吉神將并即吉與凶神將并即凶也

占諸行者欲知家內吉凶法第二十八

正日時辰上神之陰得吉神將王相休氣上下相生即吉得凶神惡將即凶以其極而論之假令得白虎死喪事得大吉及休氣為耗病各以善惡將言之他效此

占諸架屋舉百事吉凶法第二十九
正日時無令今年太歲陽神臨今日日辰及欲所治地即十二歲滅門又無令魁罡騰蛇白虎臨今日日辰大凶欲使大吉勝先功曹

在日辰陰陽中與日辰相合即大吉非此者皆凶欲入廬舍效此以日辰上神將言其吉凶將得白虎多死喪將得玄武多亡遺將得勾陳多鬪訟將得朱雀多口舌縣官將得騰蛇多恠將得天空多衰耗治生不成六畜不蕃息朱雀與登明天一并合宅見誅直用神傳中有救為後起者當避之

假令今年太歲在卯八月甲戌日日出時天罡加卯欲架屋及蓋屋太衝為太歲陽神臨甲將得朱雀魁為玄武臨酉日辰陰陽中無

大吉勝先功曹又太歲陽神下臨日以舉百事大凶

假令是日時欲治寅地居為在太歲陽神下亦大凶也他效此

占宅舍可居否法第三十

正日時視日辰上神神陰得吉神將有王相休氣上相生可居吉若凶神有囚死氣上下相賊即凶不可居以尤者言其形狀
假令白虎死喪天空虛耗他效此

占田蠶種五穀好惡法第三十一

正日時欲令今日日辰上神多王相氣與所欲為物類神相生又欲天一所居神與太歲上神相生物類神即大吉日辰陰陽及用傳中有其物必成熟也無令魁罡騰蛇白虎囚死之氣臨日辰者凶物類者謂蠶以勝先禾以功曹太衝黍小豆以太一勝先麥以傳送從魁稻大豆以登明神后麻以大吉小吉
假令欲占蠶日辰陰陽及用傳中有勝先因而三傳勝先皆得吉神將得天一所居神與太歲上神相生勝先即大吉也

三

三十三

假令太歲在辰四月戊辰日中時傳送臨午

占蠶善惡何如勝先臨辰此為有其物類太

歲上神自得勝先將得青龍神將相生天一大吉不與勝先相剋則為大歲日辰上神皆有王相之氣無有災害諸物類等並效此

也若物類神與太歲上神相賊天一所居神剋日辰陰陽中無其事類則為大凶敗也

占今年舉百事有貴田蠶法第三十二

二

皆以日辰及家長年上神將言之

假令得傳送青龍及王相之氣可為商賈得勝先大吉神將皆宜田蠶亦以所欲為類神上得凶者言所生得玄武為亦遺餘效此

占諸市賈求利吉凶法第三十三

正日時欲皆令今日之時辰上神及人年上

神與所欲為市賈物類相生者吉又欲今日

日辰陰陽中有小吉青龍青龍所居神與今

日日辰上神相生者吉太歲上神不剋人年

上神人年上神不制青龍者吉又欲令所往

至之地上有吉神將有王相氣與人年上神

不相賊市估有利

假令九月戊子日日時太衝加未欲為估

市人年立巳太歲在寅大吉為天一臨於戊

即八年立辰傳送為青龍臨于此為有其物類其日辰與人年上神及青龍所居神相

生大吉臨人年魁臨太歲不與人年神相賊

而比出傳送下大吉利雖先備二吉一凶可

用務今日辰人年上神相生物類者可用也

式經云審問所之之鄉東西南北四維得與

年相生多王相之氣者即有福估市有利不

途賊盜所居見好所欲皆得但青龍居有氣

之神而加有氣之鄉即得財若青龍制人年

所得無

占諸欲畜集何者好法第三十四

正日時各以其事類在日辰陰陽及用傳中

有其物類類又與人年上神相生者吉利可

為畜積也直用神始於無氣終於王相即前

利少後利多非此者皆凶所言物類者粟以

木神黍小豆以火神麥以金神麻以土神稻

大豆以水神絲綿以太常布帛以神后皮革

以白虎田蠶以勝先

假令七月甲子日雞鳴時太一加丑謀欲收

麥天罡加子陰上神得傳送傳送金神為麥類在用神陰陽中人年立申申上得神后與傳送相生為物類與人年上神相生也是為可收也用起天罡天罡氣休老傳終皆得王相氣為後多利他效此

占諸欲畜生類可得否法第三十五
正日時視日辰上神無魁罡騰蛇白虎即吉可畜收視其物類神王相臨有氣之鄉為吉多利魁罡所加不宜畜也

假令魁罡加未羊不可畜加亥猪不可畜他效此

占欲買車舟吉凶何如法第三十六
正日時視日辰上神陰陽及用神傳中有六合太衝與吉將并合又與日相合者吉可乘為使利主與凶將并賊今日者損主勿乘之假令太衝與玄武并者乘而亡之與白虎并數載死人宜喪事他皆效此

黃帝龍首經卷上

黃帝龍首經卷下

占馬吉凶法第三十七

正日時以勝先占之勝先與吉將并臨所生之鄉即吉與凶將并臨所賊之鄉即凶以勝先上將及所臨之鄉吉凶深淺言之也

假令勝先與青龍太常并臨木火辰來未之地即吉是為良馬也若臨金卿即咬人臨戌躡庚臨水為病臨丑喜走與玄武并因放自亡與白虎并且死與騰蛇并驚駭事他皆效此也

占牛善惡法第三十八

正日時以大吉占之大吉臨木為病臨火且驚以得實臨金且欲實之臨水田牛也臨土畜也若天地吟且用神與天一并臨有氣之鄉且入縣官與白虎并為自死與勾陳并為抵觸人與騰蛇并時時苦驚玄武并且亡遺他效此

占羊可養得否法第三十九

正日時以小吉占之加金欲畜之加木欲殺之加火可畜加水為衰耗與吉將并臨有氣

之鄉即吉與凶將并即凶得白虎為死加寅戌數逢狼加辰入墓亦死

占猪善惡法第四十

以聲明加己午即放加水鄉潤豕加金木可畜加土為病死加王相鄉欲與天一太陰并為祀豕也與凶將并臨囚死之鄉為凶聲明與白虎并即走失欲知生死以氣言之有生氣生有死氣死自死與騰蛇并為驚亡加日辰人年人墓亦死

占犬可畜否法第四十一

正日時以河魁占之子能捕鼠加卯能走獵加巳午善聲加未能聞加辰自死加亥賣之加寅狂走加戌噬人與太陰并為用禱祀也

占雞可畜否法第四十二

正日時以從魁占之加未能聞加金水可畜加丑為自死或被殺加辰為子加未欲用祀與吉將并臨有氣之鄉即吉與凶將并又臨囚死之鄉即凶

假令與騰蛇并為好驚作恠崇與朱雀并非